

1 Tesalonaika

Ämawebe **bänepi api äyänurani** **tänkehärom takta manbiŋam**

¹* Eruk notnaye, Silas kenta Timotitä tänkentän namiŋirän näk Poltä man ŋo kudän täyat. Kudän tänpän äbot tänpäni Tesalonaika kome itkaŋ, Anutu Nan ba Ekäni Jesu Kristo-kät kowat kwasikorän tak täkaŋ, inta pewa äretak. Anutu täŋo orakoraki ba bänep pidämtä intä terak äroton.

Tesalonaika äbot tänpäni täŋo nadäkiniki

²* Nin kadäni kadäni yänapik epän täŋkaŋ inta nadän tamiŋpäŋ Anutu bänep täga man iwet takamän. ³* Nadäkinikjin täŋo bureni kaŋ-ahäk täkaŋ ba tänkentäk epän bänep ironjintä pewän ahäk täkaŋ ba nadäkinikjin Ekäni Jesu Kristo terakgän penpäŋ bänepjin tänkehärom taŋpen kuŋat täkaŋ unita nin Anutu Nanin inamiken kadäni kadäni nadän tamiŋpäŋ yänahänpän iwet takamän.

⁴Notnaye, nin inta bureni-inik ŋode nadäkamän; Anututä nadän tamikinik tänpän inita biŋam iwoyänkuk. ⁵* Ude nadäk takamän uwä mebäri ŋodeta; Mani biŋam Täga täweritna man u jopi nämo täŋkuk. Nämo, nin mani biŋam unita nadäna bureni-inik tänpäpäŋ Kudupi Munapik täŋo kehäromi terak täwetkumän. Inkät itkumänken uken inta yänpäŋ imaka u ba u yänpäŋ tak

* **1:1:** Apos 17:1-10; 2Te 1:1 * **1:2:** Plp 1:3-4; Kol 1:3; 2Te 1:11

* **1:3:** 1Ko 13:13; Kol 1:4-6 * **1:5:** 1Ko 2:4-5; 1Ko 4:20

täjnkumäño u nadäkañ. ⁶* Täñitna nintäño kädet kuroñ ugän iwarän täñkuñ. Iwarän täñpäñ Ekäni imaka, udegän iwarän täñkuñ. Täñpakañ Ekäni täño Manbiñam Täga uwä komi ba bäräpi u punin terak Kudupi Munapiktä bänep pidäm täñ tamiñirän man u bänepjinta biñam täñkuk.

⁷* In ude täñkuño uwä nadäkinik täñpani Masedonia ba Akaia komeken nanikta intäjukun täñ yämiñpäñ kädet täga yäwoñärenkuñ. ⁸* Täñpakañ inken, Ekäni täño mantä tokneñ moreñpäñ Masedonia ba Akaia komeken kuñ moreñkuk. Täñkañ, ugän nämo. In Anutu nadäñ imikinik täñkuño unitäño manbiñam uwä komeni komeni nadäñ moreñkuño unita nintä yäwetnañi kubä nämo täñkuk. ⁹* Ini-tägän, nintä inken epän täñitna not täñ nimiñkuño unitäño manbiñam niwet täkañ. Ba intäño manbiñam komeni komeni yäñpäñ-nadäk ñode täñ yäpmäñ kukañ; In anutu jopi nadäñ yämik täñkuño u mäde ut yämiñpäñ Anutu irit kehäromi mähemu bureni unitäño watä epän ämaniye ude itkañ. ¹⁰* Ba apiño in anutu jopi nadäñ yämik-yämik kädet u mäde ut imiñpäñ nanaki Jesu kunum gänañ nanikta äpäkta itsämäñpäñ itkañ. Nanaki u kumbani-ken nanikpäñ yäwän kikuñurani unitä täñkentäñ nimiñirän Anutu täño kokwawak kadäni pähap ahäwayäñ täyak uwä api irepmitne.

2

Poltä Tesalonaika kome epän täñkuk

* **1:6:** 1Ko 4:16; 2Te 3:9; Apos 17:5-9 * **1:7:** 1Pi 5:3 * **1:8:**
 Rom 1:8 * **1:9:** Apos 14:15 * **1:10:** Tai 2:13; Apos 17:31; 1Te 5:9

1 * Notnaye, ninä inken ahänpäj epän nämo täna waŋkuŋ. Nämo inik, epän täŋitna bureni ahäŋkuk. U injin nadäkaŋ. 2 * Ba pengän Pilipai kome nidäpmänpäj niwat kireŋkuŋo u imaka, nadäkaŋ. Ude täŋ nimiŋkuŋopäj nämo kwitaŋkumäj. Nämo inik. Äma ätutä iwan pähap täŋ nimiŋirä Anutu yäpmäj wädänpäj bätakigän nadäŋkaŋ inken äreŋpäj Anutu täŋo Manbiŋam Täga u täwetkumäj. 3 Täŋpäkaŋ manbiŋam täwetkumäŋo uwä bänepjin täŋpidäm takta täwetkumäj. U jop manman ba yäŋ-täŋŋarani man nämo täwetkumäj. Ba in täŋpäwakta man nämo täwetkumäj. 4 * Nämo, Anututä nibäwän tägawäpäj manı biŋam yäŋahäneŋta epän ŋo ketnin terak peŋkuk. Epän u täk täkamäj uwä ämatä ninta nadäwä ärowani täkta nämo täk täkamäj. Nämo inik, Anutu bänepnin yäpmäj danik täyak unitä nibäwän gäripi täŋpeŋta täk täkamäj.

5 * Täŋpäkaŋ in nintäŋo mebäri nadäk täkaŋ, ba Anututä udegän nintäŋo mebäri nadätak. In nintäŋo manta gäripi nadäwut yäŋpäj bänep ärik-ärik man nämo täwetkumäj ba intäŋo moneŋ tuŋumta yabäŋgärip täŋpäj Anutu täŋo man terak yäŋ-täŋŋatpäj yäpmäŋta nämo täŋkumäj. 6 * Ba in bämopjin-ken ba kome kukŋi käda wäpnin biŋam ikek kuŋatta nämo täŋkumäj. Nämo, nin Kristo täŋo aposoro bureni-inik itkamäj unita täŋkentäŋ nimut yäŋ täga peŋ täwetnaŋipäj nämo peŋ täwetkumäj. 7 Täŋpäkaŋ webe kubätä nanakiye

* 2:1: 1Te 1:5,9 * 2:2: Apos 16:19-24; Apos 17:1-9 * 2:4: 1Ti 1:11; Gal 1:10; Jer 11:20 * 2:5: Apos 20:33; 2Pi 2:3; Rom 1:9; 1Te 2:10 * 2:6: Jon 5:41,44

watäni säkgämän itkañ nonoñ yepmäñ towik täyak ude bumik in bämopjin-ken kwini terak it täñkumäñonik. ⁸ Gärıpın tañi inken peñkumäño unita Anutu täño Manbiñam Täga täwettağän nämo. Inta yäñpäñ gupnin iniñ kirekta bok pidäm tañkumäñ. Imata, bänepnintä inta gäripi pähap nadäñkumäño unita. ⁹ * Notnaye, nintä bämopjin-ken itkañ epän tañi täñkumäño u nadäkañ. Bäräpi tamine yäñpäñ kepma bipani gupnin mehamtäkta epän bok kädäp ikek täk täñkumäñonik. Ude täñkañ Anutu täño Manbiñam Täga uwä täwetkumäñ.

¹⁰ Inken mominin nämo, kudupi-inik, bänep siwoñi terak kuñatpäñ epän täñ tamiñkumäño u in nadäkañ. Uwä in ba Anutu imaka, penta nadäkañ. ¹¹ Täñpäkañ kubä pen ñode nadäkañ; Äma kubätä äperiye nanakiyeta täñ yämik täyak, in kubäkubäta udegän täñ tamiñkumäñ. ¹² Intä irit kuñat-kuñat Anututä nadäwän siwoñi täk täyak udegän täñpeñ kuñarut yäñ nadäñpäñ bänep täñ-kehäromtak man täwerit, bänep täñpidäm tak man täwet täñkumäñ. Ba Anututä tabäñirän täga täñpekta in kädet täga terak kuñarut yäñpäñ kadäni ätu man kehäromi täwetkumäñ. Imata, Anutu unitä kañiwat yewani gänañ, iniken wäpi biñam ikek itta yäñpäbä tepmak täyak unita.

Anutu täño manta jibi yäpun

¹³ * Täñpäkañ nin Anutu täño man täweritna nadäwä komen äma täño man kubä bumik nämo täñkuñ. Nämoinik! Anutu täño man bureni-inik ude nadäñkuño unitä Anutu täño äbot täñpani

* **2:9:** Apos 20:34; 1Ko 4:12

* **2:13:** 1Te 1:2; 2Te 2:13; Gal

1:11-12

inken epän täñirän irit kuñat-kuñatjinken bureni ahäk täkañ. Unita nin inta yäñpäñ Anutu bänep täga man kadäni kadäni iwet takamäñ. ¹⁴ * Notnaye, inä Judia komeken nanik Anutu täño äbot täñpani Kristo Jesu-kät kowat kwasikorän täñpeñ kuñat täkañ, apiño udegän täkañ. Judia äbot täñpani uwä Juda naniktä däpmäñpäñ komi yämik täñkuño udegän in notjiye ätutä tadäpmäñpäñ komi tamik täkañ. ¹⁵ * Kädet u kudupi nämo. Juda naniktä profet biani biani ätu däpmäñ yäpmäñ äbätängän Ekäni Jesu udegän utpewä kumbuk. Täñpäkañ nin udegän nidäpmäñpäñ komi nimiñkuñ. Ude täñkuño u Anututa not nämo täñ imik täkañ ba ämawebe kuduptagänta iwan täñ yämik täkañ. ¹⁶ * Ba ugän nämo. Guñ äbotken Anutu täño man yäweritna nadäñpäñ Anututa biñam täneñ yäñkañ бага penkirek täkañ. Täñpäkañ äma uwä kädet wakiwaki ude täñ yäpmäñ äbäñtäko mominitä ärowani pähap täñirän eruk, Anutu täño kokwawak ahäñ yämitak.

Tesalonaika ämawebe äneñi yabäktä nadäñkuk

¹⁷ * Notnaye, kadäni keräpigän in tepmañkumäño upäñkañ tepmak-inik nämo täñkumäñ. Nämoinik. Bänepnintä inta butewaki nadäñ tamiñpäñ äneñi tabäktä gäripi-inik nadäkamäñ unita inken äneñi ärekta ehut itkamäñ. ¹⁸ Inken ärekta gäripi nadäkamäñ upäñ Pol näkä kadäni kadäni inken ärekta nadäñjira Satantä kädet peñpipiñ namik täyak. ¹⁹⁻²⁰ * Täñ, inta gäripi pähap nadäk takamäñ u

* **2:14:** Apos 17:5 * **2:15:** Apos 2:23, 7:52 * **2:16:** Mat 23:32-33 * **2:17:** 1Te 3:10 * **2:19-20:** Plp 2:15-16, 4:1; 2Te 1:4

ɲodeta; Epänin täño bureni-inik uwä in, ba nintäño oretoret ba epmägetnin uwä in, unita Ekäninin Jesu unitäño äbäkäbäk kadäni-ken inamiken inkät penta itkañ kehäromigän bänep oretoret terak täga api itne.

3

Pol Timoti iniñ kireñkuk

1-2 * * Notnaye, inta nadäwätäk tañi täñpäñ nek Atens yotpärare-ken itkañ Timoti iniñ kireñpeda inken ärekta man yäñpäñ-nadäk täñkumäñ. Timoti, notninpak bureni ba Anutu täño epän äma ude itpäñ Kristo täño Manbiñam Täga yäñahäk täyak unitä päre Anutu täño man terak bänepjin ba nadäkinikjin täñkehärom takta iwoyäñkumäk. 3 * Komi ba bäräpitä täñpewän kwainey yäñpäñ Timoti teda äreñkuk. In nadäkañ, Anutu täño man uwä kwini terak itpäñ-nadänekta nämo yäñ nimani. 4 * Nin inkät itkañ pengän man ɲode täwetkumäñ; Anututa yäñpäñ komi bäräpi in ba nintä terak api ärowek. Man yäñkumäño u bureni ahätak ɲo yäñ nadäkañ. 5 * Mebäri unitagän inta nadäwätäk pähap täñpäñ intäño nadäkinikjin kañpäñ nadäkta Timoti iniñ kireñpewa äreñkuk. Täñyäkñarani äma waki Satantä täñ-täkñat-pewän nadäkinikjin pewä putäreñirä epänin jop pewä paorektawä yäñ nadäñkut.

Timoti manbiñam täga yäpmäñ äbuk

6 * Täñpäkañ Timotitä inken nanik äyäjut päbä

* 3:1-2: Apos 17:15 * 3:1-2: Apos 16:1-3 * 3:3: Efe 3:13; 2Ti 3:12 * 3:4: Apos 14:22 * 3:5: Plp 2:16 * 3:6: Apos 18:5

nadäkinikjin ba bänep ironjin unitäño manbiñam ñode niwetkuk; Intä ninta gäripi pähap nadäk täkañ. Ba nintä in tabäkta gäripi nadäk takamäj, udegän intä nin nibäkta yäk täkañ. Manbiñam ude niwetkuk. ⁷ * Täñpäkañ notnaye, in nadäkinikjin ikek itkañ yäj biñam niwerirän nadäñkumäño unitäwä nin komi butewaki terak kuñat takamäj unitäño bäräpi täñpidäm tañkuk. ⁸ Bureni, in Ekäni injit-inik täñpeñ kuñarirä nadäñpäñ nintäño iritninken gäripi pähap ahäk täyak.

⁹ Täñpäkañ inta yäñpäñ Anutu injamiken bänep täga pähap nadäk takamäj unita Anutu bänep täga inide kubä iwet takäna! ¹⁰ Täñkañ nadäñ nimiñirän inken päre kowat kawän täñpäñ nadäkinikjin ätukät täñkehärom takta kepma bipani Anutu-ken gwäk pimiñpäñ kehäromigän yäñapik takamäj.

¹¹ * Eruk notnaye, Nanin Anutu ba Ekäninin Jesutä ini kädet täwit nimiñirän inken kañ ärena. ¹² Täñpäkañ Ekänitä bänepjin-ken epän täñirän inken bänep iron kädet tañi ahäñirän injin-tägän bänep iron kowata kowata tak takot. Ba äma gägänita udegän kañ täñ yämüt, nintä inta täñ tamik takamäj udegän. ¹³ * Ude täñirä Anutu Nanintä bänepjin täñkehärom täñirän injamiken momijin nämo, bänep kudupi-inik kuñat takot. Pen udegän kuñarirä Ekäninin Jesutä ämawebe inita biñam iwoyäwani yämagut yäpmäj äneñi kañ äbän.

4

Anutu injamiken siwoñi kuñat-kuñatta man

* 3:7: 2Te 1:4 * 3:11: 2Te 2:16 * 3:13: Plp 1:10; 2Te 1:7,10

¹* Notnaye, Ekäni Jesuta yänpän jukuman kubä ñode täwetnapän nadäwut; Irit kuñat-kuñatjintä Anutu not täñ imikta mebäri täwetpän täwoñärek täñkumäño udegän kañ irut. Täñkañ Anutu täño man u täga iwat täkañ upän gwäk pimiñpän ehuranigän kañ iwarut yänpän täwetkamän. ² Ekäni Jesu täño meni terak man kehäromi täwetpän täwoñärek täñkumäño nadäkañ u.

³* Anututä ñode täwet täyak; Kubokäret penpän bänep siwoñi terak kuñat täkot. ⁴ Täñpäkañ in bänep nadäk-nadäkjinta watäni itpän webejiye-kät kädet siwoñi terak kañ kuñarut. ⁵ Kädet siwoñi terak kuñatkañ ämawebe guñ, Anututa nämo nadäwanitä yabängärip tänpän kubokäret täk täkañ ude nämo täneñ. Nämoinik! ⁶* Unita in notjiye tänyäkñatpän webeniye nämo kubotäneñ. Kädet waki udewanita bian man ñode täwetkumän; Ekänitä äma kädet ude täk täkañ uwä kowata waki api yämek. ⁷* Bureni! Nadäk-nadäk waki yäpmän kuñatneta nämo, kudupi-inik itpän nadäk-nadäk siwoñigän yäpmän kuñatneta Anututä nimagutkuk. ⁸* Unita äma kubätä man u mäde ut imayän täko uwä äma kubäta nämo, Anutu, Kudupi Munapik bänepjinken pek täyak u mäde api ut imek.

⁹* Eruk äbot tänpäni ämawebenaye, Anututä ini bänep iron täktäk kädet mebäri täwetpän täwoñäreñirän bureni iwat täkañ upän imata bänep iron kowat tänpän täneñta äneñi jop kudän

* **4:1:** 2Te 3:6 * **4:3:** 1Te 5:23; Hib 10:10; 1Pi 1:16 * **4:6:** Sam 94:1 * **4:7:** 2Te 2:13-14; 1Pi 1:15-16 * **4:8:** Luk 10:16; Ese 36:27; Ese 37:14; 2Ko 1:22 * **4:9:** Jon 13:34

täj tamine? ¹⁰* Nämö, inä Masedonia kome äbot täjpani ämawebe komeni komeni it yäpmäj kukan u bänep iron täj yämik täkan. Upänkan pen kan täjput yänpäj täwetkamäj. ¹¹* Täjpäkan man kubä pen ɲode täwetpäj täwojärenkumäj; Kuñ äbäj täjkan täjguruk-uruk nämö täneñ. Komejin-kengän it dämiñpäj epän ketjin-ken pewani u kehärom täjpäj kan täjput. ¹²* Ude täjpäj nakta jop kubä nämö api itneñ. Ude täjirä äma Anutu täjo kädet nämö iwat täkan u inta bänep täga api nadäneñ.

Jesutä äneñi äbäkta man

¹³* Notnaye, in bämopjin-ken nanik ätu kumbujo u jide itkan unitäjo mebari ket nadäwä tärewut yänpäj man ɲo täwetat. Ket ude nadäwä tärewäkan guñ ämatä noriye kumäjirä nadäk-nadäki paoräpäj konäm butewaki pähap täk täkan in udegän nämö täneñ. Nämoinik! ¹⁴* Nin nadäkinik ɲode täk täkamäj; Jesu kumäjkan akuñkuk. Ude täjkuko unita ɲode imaka nadäkinik täk täkamäj; Anututä Jesu iniñ kireñpewän ämawebe nadäj imiñkan kumbujo u ini-tägän yämaguränkan inikät bok api ämneñ. ¹⁵* Ba Ekänitä iniken man kubäwä ɲode täwetna; Kome terak kodak iritna Ekänitä äbayäj täyak-ken uken kodak irani nintä kumbani nämö api yärepmiñne. Nämoinik!

¹⁶* Ekäni kunum gänañ naniktä äpayäj täjirän womat mämä api ahäwek. Täjpäj añero intäjukun

* **4:10:** 2Te 3:4 * **4:11:** Efe 4:28; 2Te 3:8,12 * **4:12:** 1Ko 5:12-13; Kol 4:5 * **4:13:** Efe 2:12 * **4:14:** Rom 14:9; 1Ko 15:3-4,12 * **4:15:** 1Ko 15:51 * **4:16:** 1Te 1:10; 2Te 1:7; 1Ko 15:52

tänpanitä gera yänjirän Ekäni ini uwä gera pähap yänkaŋ api äpek. Äpänjirän ämawebe Kristo nadän imiŋpäŋ kumbuŋo unitä jukun api akuneŋ. ¹⁷ Akuŋirä kokoki yarägän kodak itnayän takamän uwä kumbani yäput penakaŋ gubamtä pudät päro nipmanpäŋ punin terak Ekäni-kät kowat kawän api täne. Tänpäkaŋ Ekäni-kät-gän api it yäpmän ärone. ¹⁸ Unita in man ŋowä yänpäŋ-nadäk tänpäŋ notjiye kumbanita nadäwätäk penpäŋ bänepjin tänpidäm takot.

5

Ekäni äneŋi pit kubägän api ahäwek

¹⁻² * * Notnaye, injin ŋode bureni nadäk täkaŋ; Nämo nadänjirä kubo ämatä bipani äbäk täkaŋ udegän Ekäni täŋo äbäkäbäk kadäni täropigän api ahän nimek. Ude nadäk täkaŋ unita Ekäni äneŋi äbayän täyak uwä kadäni ba kepma uken api ahäwek yän imata kudän tänpäŋ tamine? ³ * Tänpäkaŋ kadäni uken ämawebetä nin säkgämän kwini terakgän itkamän yäknjat irirä Ekänitä pit kubägän ahän yämiŋpäŋ api däpmän paorek. Bäräneŋ ahän yämayän täyak uwä webe nanak koki ikektä ittängän komi bäräneŋ nadäk täkaŋ ude. Imaka umuri u bäräneŋ ahän yämiŋjirä jide tänpäŋ api metänpeŋ kuneŋ? ⁴ Upänkaŋ notnaye, inä bipmän urani gänaŋ nämo itkaŋ unita Ekäni täŋo kadäni, kubo ämatä bäräneŋ ahäk täkaŋ ude ahänjirän nämo kikäutneŋ. ⁵ * Nämoinik, ninä

* **5:1-2:** Mat 24:36 * **5:1-2:** Mat 24:42-44; 2Pi 3:10; Rev 3:3

* **5:3:** Ese 13:10; Mat 24:39; Luk 21:34-35; Jon 16:21-22 * **5:5:** Rom 13:12; Efe 5:9

bipmäŋ urani ba bipanita biŋam nämo, penjäŋek ba kep mata biŋam äbot täŋpani.

Bänep kodaki it tākäna

⁶ Unita äma ätu bänepi nadäk-nadäkita watä nämo itkaŋ dāpmon pat tākāŋ ude nämo täne. Nämoinik, nadäna tumbäpäŋ watäni itpäŋ kuŋat tākäna! ⁷Täŋpäkaŋ äma dāpmon pärani uwä bipmäŋ urani gānaŋ pat tākāŋ. Ba äma ume jägämi naŋkaŋ täŋguŋguŋ kudän tāk tākāŋ uwä bipani tāk tākāŋ. ⁸Upäŋkaŋ kepma täŋo äbot ninäwä bänep nadäk-nadäkninta watä kehäromi itpäŋ kuŋat tākäna. Täŋpäkaŋ nadäkiniknin ba notniyeta nadäŋ yämik-iniktä kurepä ude ukät-pipik täŋ niniŋirän äma wakitä nämo nidäpek. Ba Anututä bureni api nimagurek yäŋ bänepnin ukädagän penitna unitä gwäpä kehäromi ude täŋ nimik täyon. ⁹ * U mebäri ŋode unita; Nin Anutu täŋo bänep wak-waki bureni kaŋ-ahäneta nämo iwoyäŋ nipmaŋkuk. Nämoinik! Ekäninin Jesu Kristo täŋo wäpi terak irit kehäromi koreneta iwoyäŋpäŋ nipmaŋkuk. ¹⁰ * Jesutä ninta kowata kumbuko unita ukät bok täga api itne. Unita Jesu täŋo äbäkäbäk kadäni-ken nin kumnayäŋ tämäŋo u ba kodak itnayäŋ tämäŋo u tägagän, ukät penta api it yäpmäŋ ärone. ¹¹ * Eruk, inä man tägagämän u nadäŋpäŋ man kowat iwerän täŋpäŋ bänepjin pen täŋ-kehäromtak tākot, tāk tākāŋ ude.

Kädet Anututä gäripi nadäk täyak ugän iwatne

* 5:9: 1Te 1:10; 2Te 2:14 * 5:10: Rom 14:8-9; 1Te 4:14 * 5:11: Jud 20

12 * Notnaye, man kehäromi ñode täwetkamäj; Äma inta yänpäj in täñkentäktä bämopjin-ken komi epän täk täkañ ba Ekänita yänpäj intäjukun täñ tamik täkañ, ba täwetpäñ täwoñärek täk täkañ u nadäj yämik täkot. 13 Täñkañ epän ude täñ tamik täkañ unita inä nadäj yämikinik täñpäñ bänep ore-toret terak orañ yämik täkot.

Täñpäñ notjiye-kät not täñpäñ bänep kwini terak it täkot. 14 * Unita notnaye, in ñode täk täkot; Äma gañani, epän nämo täñpanita umun man yäwet täkot. Ba äma täñ mäyäk-mäyäk ba umun terak kuñarani udewani täñkentäj yämiñpäñ bänepi täñ-kehäromtak täkot. Ba äma kehäromini nämo täñ-mehamtañ yämik täkot. Täñpäñ äma udewani täñkentäj yämikta nämo gaña täneñ. Nämo, pentagän täñkentäk-kentäk terak kuñat täkot. 15 * Täñkañ waki kowata kowata täneñta watä kehäromi itpäñ kuñat täkot. Ude täñkañ injin-tägän ba äma gägäni kuduptagän täñkentäk-kentäk kowata kowata kañ täñ yäpmäj ärowut.

16 * Ude täñkañ kadäni kadäni bänep pidäm terak oretoret täñpeñ kañ kuñarut. 17 * Täñkañ Anutu-ken yäñapik man yäkta nämo gaña täneñ. Nämo, pen yäk täkot. 18 * Ba imaka u ba u unita Anutu bänep täga man iwet täkot. Inä Kristo Jesu-kät kwasikoranitä ude kañ täñput yänpäj Anututä peñ täwetak.

19 * Täñpäkañ Munapik täño kädäp nämo döpä

* 5:12: 1Ko 16:18; 1Ti 5:17 * 5:14: 2Te 3:6,11,15 * 5:15: Snd
20:22; Rom 12:17; 1Pi 3:9 * 5:16: Plp 4:4 * 5:17: Luk 18:1
* 5:18: Efe 5:20 * 5:19: Efe 4:30

kumneŋ. ²⁰ * Täŋpäh äma kubätä Anutu täŋo mani biŋam yänahänpäh täwerirän nadäh äwaräkuk nämo täneŋ. ²¹ Upänkaŋ man nadäk täkaŋ u kuduptagän nadänpäh yäpmäh danik kaŋ täŋput. Ude täŋkaŋ imaka täga täŋpänä u kaŋ yäpmäh kuŋarut. ²² Ude täŋkaŋ waki mebäri mebäri kudup mäde kaŋ urut.

²³ * Eruk notnaye, inta yänpäh Anutu-ken ŋode yänpik takamäh; Anutu, bänep kwini mähemitä ini ärutpak taŋpäh tepmaŋirän bänep kudupi kaŋ täŋ morewut. Ude täŋirän gupjin, bänepjin ba mäjojin kudupi parirän Ekäninin Jesu Kristo äbayäh täyak u inamiken momijin nämo, kaŋ irut. ²⁴ Täŋpäkaŋ näk nadätat, Anutu tämagut täyak, man bureniŋän yäwani unitä imaka yäyat ŋo inken bureni api täŋpek.

²⁵ * Täŋpäkaŋ notnaye, in ninta nadänpäh Ekäniken yänpik takot. ²⁶ * Täŋkaŋ äbot täŋpani injin-tägän, Ekäni wäpi terak not täŋpäh keräntäk tak takot. ²⁷ Unita näk Ekäni inamiken man kehäromi ŋode täwetat; In man kudän ŋo äbot täŋpani kuduptagän daninpäh yäwerirä nadäwut.

²⁸ Täŋpäkaŋ Ekäninin Jesu Kristo täŋo orakoraktä inken itpäŋ itinik tak täyon. Ude.

* 5:20: 1Ko 14:1,39 * 5:23: 1Ko 1:9; 2Te 3:3 * 5:25: Kol 4:3;
2Te 3:1 * 5:26: Rom 16:16

Anutu Täŋo Man
The New Testament and portions of the Old Testament
in the Tuma-Irumu Language of Papua New Guinea
Nupela Testamen na sampela Olpela Testamen long
long tokples Tuma-Irumu long Niugini

copyright © 1997, 2011 Wycliffe Bible Translators, Inc.

Language: Tuma-Irumu

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-09-20

PDF generated using Haiola and XeLaTeX on 3 Mar 2023 from source files dated 9 Oct 2020

914cbf46-f59a-54d1-b209-0f763534edb5